


金
四佳絶

柳田文庫
文庫11
D 139



天保丁酉刊
D 139

天保丁酉刊

雲山先生
同選
鷗嶼先生

金詩佳絕

江戶書肆 玉山堂藏板

金詩佳絕序

金石然竹不同器而皆悅於耳穀肉粟
菜不同味而皆饜於口此天下人之所
同也然而宮商殊致甘苦異宜非有牙
舌曠耳而審其聲味之適安能感動衆
人之嗜聽哉詩之於選亦猶是也吾雲
山先生學博識洽淹貫古今每以詩誘
掖後學乃今詩家之牙曠也嘗就唐宋

金詩佳絕 堀川序一

010190553316

金元諸賢詩鈔七言絕句若干首題云
歷朝佳絕書估玉山堂主人先請金詩
佳絕上梓布世其詩有高古簡質者有
華腴充悅者或幽健竒峭或平淡和易
津々乎五味之佳臭鏘々乎八音之絕
調矣匪惟使學者澄心豁智領堯蔥舜
韭之至味脫柔曼淫哇之俗習亦為有
金諸家增其光輝其所謂感動天下衆

人之嗜聽者是豈貴宮賤商泥甘惡苦
偏執淺見之輩所能選定哉濟試把此
編朗誦數過恰如饗太牢之膳聽清廟
之瑟自不知詩道更進於一層也故為
之序稱讚如是

天保丙申冬至之日堀川濟舟庵識於
槐籜之南窓

秋巖菽原鞏書

天都西車入空山
天都西車入空山
天都西車入空山
天都西車入空山
天都西車入空山
天都西車入空山
天都西車入空山
天都西車入空山
天都西車入空山
天都西車入空山

金詩佳絕

宮澤雉神遊

守邨約抱儀

同選

完顏璫

字子瑜能詩工書自號樗軒居
又號如菴老人有如菴小藁

釋迦出山息軒畫

龐眉袖手出巖阿及至拈花事已訛千古雪山

山下路杖藜無處避藤蘿

題紙衣道者圖

紫袍披上金橫帶藜杖拖來紙掩襟富貴山林



爭幾許萬緣唯要總無心

春半喜晴

陰寒二月雪含雲兩日開晴淑景新借問海棠紅幾許杏花楊柳不曾春

夏晚登樓

登樓晚暑復相攻快意清風忽相逢雲似碧山天似水霽波平浸兩三峯

劉豫

字彥遠景州阜城人

雜詩

原六

竹隴人家瀕小溪數枝紅杏出疎籬門前山色帶烟重幽鳥一聲春日遲

風荷柄柄弄清香輕薄沙禽落又翔紅日西轉漁艇散一川山影暮天涼

晝色晴明著色圖山光凝翠接平湖烟嵐自古人難畫遠即深深近却無

寒林烟重暝棲鴉遠寺疎鐘送落花無限嶺雲遮不斷數聲和月到山家

客館

雪消北嶺安排暖，寒入東風阻節春。絕塞亂山圍古驛，他時說著也愁人。

鄭子暉

字景純，大定人。天德三年進士。

即事

一錢不直程衛尉，五斗解醒劉伯倫。讀罷離騷解衣臥，門前花柳自爭春。

趙承元

字善長，先世汴人。

冰底流泉匹練飛，麴塵著柳不禁吹。杖藜恰到春生處，已有入人家插酒旗。

宇文虛中

字叔通，成都人。宋黃門侍郎。以奉使見留，仕為翰林學士承旨。

春日

北洹春事休，嗟晚三月猶寒。花信風遙憶東吳，此時節滿江鴨綠，弄殘紅。

時習齋

未厭平生習氣濃，更將餘事訓兒童。魯論二萬三十字，悟入從初一句中。

醉經齋

傷人但笑腹，便便枕藉詩書。正晝眠不識先生

真悟，處未離文字，已逃禪。

吳激

字彥高，宋宰臣拭之子，米元章壻也。工詩，能書，嘗使于金，以知命留之，仕為翰

秋興

後園雜樹入雲高，萬里長風夜怒號。憶向錢塘

江上寺，松窓竹閣瞰秋濤。

高士談

字子文，一字季默，有蒙城集。

曉起戲集東坡句

清風終日自開簾，吏散空庭雀噪簷。午睡醒來

無一事，地偏心遠似陶潛。

雪

簌簌天花落未休，寒梅疎竹共風流。江山一色

三千里，酒力消時正倚樓。

苦竹

密葉脩莖雨後新，肯因憔悴損天真。清如南國

紐蘭，客瘦似西山採蕨人。

睡起

平生心情樂疎慵，多病追歡興亦空。睡起不知

詩生

日

春已老一簾紅雨杏花風

偶題

羨他田父老於農遠是莊西與舍東不似宦遊
情味惡半生常在別離中

馬定國

字子卿荏中人
有齊堂集

雪

紅樓翠瓦不禁寒欲剪梅花去路難淨掃竹亭
聊飲酒恰如明月照金盤

香嚴病中

九州四海盡行路萬戶千門非我家金彈不徒
驚燕雀春雷終待起龍蛇

秋日書事

井邊蕙苒吐秋珠舍下瓜區雜芋區世道未夷
聊小隱不須辛苦著潛夫

春日

鶯語相喧浩蕩春落花細點禁街塵遊絲飛絮
狂隨馬遲日和風欲醉人

夏雨

電掣雷轟雨覆盆晚來枕簟頗宜久小溝一夜
水三尺便有蛙聲喧四隣

檢旱

草樹連雲綠間黃年饑村落自荒涼晚蟬抱樹
聲聲急野菊迎風細細香

和常祖命

著書不得自名家卷裏蠅頭散眼花未用一杯
張翰酒正湏七椀玉川茶

操筆文章學古風平生羞與腐儒同相如雖有

凌雲賦不及東方射守宮

劉著

字鵬南舒州皖城人

伯堅惠新茶綠橘香味郁然便如一口到江
湖之上戲作小詩二

建溪玉餅號無雙雙井為奴日鑄降忽聽松風
翻蟹眼却疑春雪落寒江

黃芑猶帶洞庭霜翠袖傳看綠葉香何待封題
三百顆只今詩思滿江鄉

施宣生

字明望自號三住老人浦城人有三住集

金詩信錄

盆池

盆池漱灩陰，芭蕉點水圓。荷未出，條分得江湖。好風景，斷雲飛去晚。蕭蕭

平陽書事

春寒窸窣透春衣，沿路看花緩轡歸。穿過水雲深密處，馬前胡蝶作團飛。

党懷英

字世懷，山東人。有竹谿遺集。

端午日照道中

幾年客舍逢端午，今日東行復海隅。三歲已無

平老茶一杯，聊作辟愁符。

睡覺門外月色如畫，霜風過琴然成聲作

一絕

老木經霜眾竅空，月明深夜響秋風。始知天籟非人籟，吹萬由來果不同。

白莊道中

暖風遲日弄春晴，渾似龍眠畫裏行。沙路半隨堤尾曲，幾家桃李鶉鴉鳴。

趙秉文

字周臣，號間老人。滏陽人。有滏水集、資暇錄。

華山

石頭犖确水縱橫過雨山間草屨輕未到上方
先滿意倚天青壁看雲生

虎牢

兩崖峽束枕洪濤自古英雄爭虎牢蒼天胡為
設此險長使戰骨如山高

楊惠之維摩像

一點傳心已失機更求形似轉成癡至今遺像
兀不語猶似當初問法時

石樓

月約風期屢往還水聲山色石樓間大家也入
香山去那箇心如白傅閑

題扇頭

魏三句裏數聲鶻秦七詞中萬點鴉好在團團
明月底一彎流水幾人家

秘魔巖

鐵鎖關歲五百龍文殊遊戲作神通山僧要辨
金剛眼莫謂魚鰕在此中

過邯鄲

十五年來黍一炊，
鼓臺重覓舊題詩。
而今馬上行人老，
不似當初過趙時。

真際栢

趙州東院庭前栢，
二百年來屈鐵柯。
莫怪兩株纏欲死，
後來禪客葛藤多。

夏日

樹木交陰鳥自呼，
濛濛殘夢破華胥。
虛簷一道風如水，
展盡牀頭幾葉書。

中山會故人

三十二年後，
夢魂故人老。
盡一身存燈前，
細雨當時話別後。
相思誰與論。

濟源

歌管年年樂太平，
而今鉦鼓替歡聲。
裴公祠下無窮水，
好乞餘波為洗兵。
樹暎樓臺水暎空，
溪容林意兩溶溶。
夏山如醉無人畫，
遠處微茫近處濃。

題東坡畫古枯怪石圖

荒山老栢拚擁腫相伴醜石反成妍有人披圖
笑領似不材如我終天年
人生散村如散木槁死深山病亦奇放出叅天
二千尺安用荒藤纏繞為

三蘓帖

他年鴻雁各分飛風雨蕭蕭有所思猶記讀書
懷遠驛夜深燈下對牀時
君家一日會三蘓翰墨人間今古無時向明窓
展橫幅不須更寫德星圖

坡陽歸隱圖

年過六袞尚蹉跎奈此坡陽歸隱何不是不歸
歸未得家山雖好虎狼多

過楊太尉墳

直道從來自不容斷碑千歲尚塵封潼關關下
墳三尺清節高於太華峯

草堂

幾家籬落掩柴關盡在浮嵐湧翠間稻壠明邊
通白水竹梢缺處補青山

題東坡與佛印帖

魯公食粥已數月，蕪子探囊無一錢。身後胡椒八百斛，爾曹堪笑亦堪憐。

跋黃華墨竹

淡墨閑臨謝女，真蕭然林下。自風神世間亦有丹青手，只解尋常寫市人。

閏八月十八日會與館諸公同賦絕句

一年十二度圓月，反覺中秋此夜偏。天意自憐風露爽，更教明月十三明。

賓主相忘間濁清，坐中談笑雜歌聲。道人嘿坐無分別，總是秋風萬籟鳴。

馬上見桃花

可憐馬上逢春色，不得明窓貯石瓶。祇恐東風易零落，兔葵燕麥又青青。

蔡珪 字正甫 天德三年進士

讀史

伯陽名迹世人知，太史成書未免譏。不是道家齊物化，豈容同傳著韓非。

十三山下村落

閭山盡處十三山溪曲人家畫幅間何日秋風
半篙水小舟容我一蓑閑

劉仲伊字致君號龍山蓋州人

不出

好詩讀罷倚團蒲唧唧銅餅沸地爐天氣稍寒
吾不出攪攪分坐與狸奴

王庭筠字子端熊岳人

韓陵道中

石頭犖确兩坡間不記秋來幾往還日暮蹇驢
鞭不動天教仔細數前山

河陰道中

梨葉成陰杏子青榴花相映可憐生林深不見
人家住道上唯聞打麥聲
微行入麥去斜斜方過深林又幾家一色生紅
三十里際山多少石榴花

曲水圖

山陰禊事記蘭亭珠玉琳瑯照眼明曲水至今

無好客一觴還自契幽情

李純甫字之純宏州人有屏山集

孫卿子

諸儒談性盡歸情誰信黃河徹底清未到崑崙
源上見且休容易小荀卿

楊雲翼字之美樂平人

蔡村道中

水連深竹竹連沙村落蕭蕭已暮鴉行盡畫圖
三十里青山影裏見人家

戴嵩畫牛

春草原頭雨濕煙夕陽渡口水吞天披圖坐我
風叢底一夢長林二十年

雙成寺中登樓

雲意生陰晚不收西風疎雨一江秋畫圖忽上
闌干角隱隱平灣轉釣舟

間間公為上清宮道士寫經并以所養鷺

羣副之諸公有詩某亦同作

會稽筆法老無塵今代間間是後身只有愛鵝

緣已盡舉群還副向來人

王若虛

字從之棗城人有慵夫集

復寄之純

志大言高與世違拂衣直作竹林歸黃塵道口
風波惡未必先生自處非

自笑趨塵亦強顏食謀未免敢言閑紫芝果可
充饑腹從子玉屏巖石間

感懷

枉却全家仰此身書生那是治生人百憂耿耿

填胸臆強作歡顏慰老親

自笑

酒得數杯還已足詩過兩韻不能神何須豪逸
攀時傑我自世間隨分人

別家

到了身安是本圖何須身外覓浮虛誰能置我
無饑地却把微官乞與渠

慵夫自號

身世飄然一瞬間更將辛苦送朱顏時人莫笑

慵夫拙差比時人得小閒

題淵明歸去來圖

靖節迷途尚爾賒苦將覺悟向人誇此心若識
真歸處豈必田園始是家

孤雲出岫暮鴻飛去往悠然兩不疑我自欲歸
歸便了何須更說世相遺

拋却微官百自由應無一事挂心頭銷憂更藉
琴書力借問先生有底憂

得時草木竟欣榮頗為行休惜此身乘化樂天

知浪語看君於世未忘情

答鄭下辨禪師見戲代防禦使高彦

酒肆淫房總道場偶然遊戲亦何妨阿師自踏
泥犁趣更笑春風柳絮狂

還家

日日他鄉恨不歸歸來老淚更沾衣傷心何啻
遼東鶴不但人非物亦非

山杏溪桃化棘榛舞臺歌榭墮灰塵春來底事
堪行處門外流鶯枉喚人

艱危嘗盡鬚作絲轉覺謹謹不可期幾度哀歌
仰天問何如還我未生時

山谷於詩每與東坡相抗門人親黨遂有
文首東坡論詩右山谷之語今之學者亦
多以為然漫賦四詩為商畧之云

絕足由來不可追汗流餘子費奔馳誰言直待
南遷後始是江西不幸時
信手拈來世已驚三江袞袞筆頭傾莫將險語
誇勁敵公自無心與物爭

戲論誰知出至公蝻蚌信羨恐生風奪胎換骨
何多樣都在先生一笑中

文章自得方為貴衣鉢相傳豈是真已覺祖師
低一著紛紛嗣法更何人

王內翰子端詩近來徒覺無佳思縱有詩
成似樂天其小樂天甚矣漫賦三詩為白
傅解嘲

功夫費盡謾窮年病入膏肓豈易鐫寄語雪溪
王處士恐君猶是管窺天

東塗西抹鬪新妍，時世梳粧亦可憐。人物世衰如鼠尾，後生未可議前賢。妙理宜人入肺肝，麻姑搔背豈勝鞭。世間筆墨成何事，此老胸中自有天。

宮女圍棋圖

盡日羊車不見過，春來雨露向誰多。爭機決勝元無事，永日消磨不奈何。

麻九疇

字知機，初名文純，莫州人。

一種冰魂物，已尤朱脣點。注更風流歲寒未許。

東風管澹抹濃妝，得自由。

劉從益

字雲卿，大年進士。

過武丁廟

旱則為霖水則舟，若人端合夢中求。荆王枕上陽臺雨，板築英雄老死休。

雷淵

字希頰，應州渾源人。

過華山懷陳希夷

五季乾坤半晦冥，先生有意事澄清。齟齬四十年來睡，開眼東方日已明。

周昂 字德卿真定人有常山集

讀陳後山詩

子美神功接混茫，人間無路可升堂。一斑管內時時見，賺得陳郎兩鬢蒼。

失子

白髮飄蕭老病身，幾因兒女淚濕巾。虛談誤世王夷甫，只有情鍾語最真。

醉經齋為虞鄉麻長官賦

詩書讀破自融神，不羨雲安麴米春。黃卷至今

真味在，莫將糟粕待前人。

孫資深歲寒堂

世態浮雲日夜移，春蘭秋菊各爭時。此心鐵石無人會，唯有庭前柏樹知。

即事

憂患年來坐讀書，田園拋却任荒蕪。目前却得晨昏力，碌碌無由似阿奴。

讀柳詩

功名翕忽負初心，行和騷人澤畔吟。開卷未終

還復掩世間無此最悲音

正月大風雨

風如渤海勢凌虛寒破貂裘力尚餘不是化工
難倚賴也知青帝有驅除

趙渢 字文孺黃州人有黃山集

和茂才韻

十年為客未還家贏得毵毵兩鬢華別後故人
應念我不來踏雪看梅花

留題西溪

誰開玉鑑瀉天光占斷人間六月涼日落沙禽
猶未散也知受用藕花香

過董大夫廟

漢朝元不用真儒豈信忠嘉益帝圖賈誼長沙
晁錯死不須獨恨老江都

孫九鼎 字國鎮忻州定襄人

遊金明

片片桃花逐水流東風吹上木蘭舟隔溪紅粉
休相認年少孫郎不姓劉

金明寺

趙可 字獻之號玉峯散人高平人有玉峯集

雲興館曉起

雙旌晚泊雲興館對面高峯絕可人一夜山雲飛作雪要誇千峰玉璘珣

江路聞松風

雪裏雲山玉作屏松風入耳細冷冷朝來醉著江亭酒却被驪龍喚得醒

劉汲 字伯深有西巖集

高陽道中

杏花開過野桃紅榆柳中間一徑通禽鳥不呼村塢靜滿川烟雨淡濛濛

題蒲縣下庫村 余嘗令此

古柳長楸倚翠微水光嵐氣靜人衣清閑歲月無多事事簡何妨倒載歸

劉瞻 字巖老亳州人有櫻寧居士集

春郊

桑芽粒粒破春青小葉迎風未展成寒食歸寧紅袖女外家紙上看蠶生

郝侯

字子玉大原人
有虛舟居士集

魏處士野故莊

郊原冷落霜風後，桑柘蕭條兵火餘。
試問當時卿與相，幾家猶有舊田廬。

題均福堂

憧憧車馬競春遊，不見溪堂五月秋。
卧聽雲濤春午枕，夢隨鷗鳥落沙洲。

任詢

字君謨號南麓
易州軍市人

濟南黃臺

滿目江南煙水秋，濟南重到憶南遊。
便欲移家漁市側，輕蓑短棹弄扁舟。
柴扉水際晝還扃，落日城頭晚更明。
深綠淡黃洲渚冷，敗荷無數似臨平。

巨然山寺

孤撐山作碧螺髻，漫散水成蒼玉鱗。
野寺荒涼人不到，水光山影正橫陳。

史旭

字景陽
有集

臨真上元夜雪

金詩佳絕

斜風吹雪滿山城，
屋雲低未肯晴。
天女散花春一色，
燭龍銜照夜三更。

早發驃駝壩

郎君坐馬臂彫弧，
手撚一雙金僕姑。
畢竟太平何處用，
只堪妝點早行圖。

李仲畧

字簡之

蓮塘陪諸公賦

潦倒何堪接俊遊，
神仙空羨李膺舟。
官曹只在空湖畔，
薄領如山屋打頭。

省幕在城外極卑陋故云

王寂

字元老，薊州玉田人，有拙軒集。

沁水山寺

兩峽山高月半輪，
五更人起馬嘶頻。
無端又上長安道，
輸與僧牕飽睡人。

劉昂

字之昂，興州人。

醉後

禪僧勸讀傳燈錄，
道士教行進火功。
今日興來俱破戒，
黃花籬落醉西風。

山中雨

金言作爲
嵩高山下逢秋雨破織遮頭過野橋此景此時
誰會得清如窓下聽芭蕉

即事

山花山雨相兼落溪水溪雲一樣閒野店無人
問春事酒旗風外鳥關關

予李仲坦仲坦物故後省試魁始有持恩之命

文章巧與世相違身後新恩事已非不及萋萋
原上草一番春雨綠如衣

許安仁字子靖河間樂壽人

望少室

名山都不見真形萬仞盤盤入杳冥安得雲間
騎白鶴下看三十六峯青

遊泰安竹林

蕭寺天教勝處安峯巒騰擲水雲間客來總說
遊山好不道山僧却歷山

王礪字逸賓汴梁人泰和三

雜詠七首

陰陰綠樹閣庭除散盡鳴禽靜有餘獨對爐薰

坐終日會心惟有漆園書

瓦爐柏子細烟消閒讀禪經破寂寥風細月高人已靜隔牕疎竹夜蕭蕭

晴日南溪物色饒草芽新綠凍全消金絲柳底洲沙沒數尺流波拍夜橋

南畝東臯春務時田家候雨罷耕犁却汲井泉澆藥圃更疏陂水灌麻畦

竹繞沙邨水漫流鷓鴣鷓對沈浮一竿便擬從漁父卷置琴書買釣舟

屋頭鼓木撼蒼烟風卷飛花到枕邊南寺有僧來問字打門驚覺午牕眠

漢梁王苑古臺西秋思紛紛獨杖藜雲壓高城雁飛盡一聲寒角夕陽低

路鐸字宣州有虛舟集

細香軒

花氣爐烟總不同喫青噴翠小牕風中邊故嗅渾無有心跡相忘忽暗通

閣雨含風戶牖涼聞機寸發興何長無心孤竹

金詩任
那能爾自是詩人知見香

霜雪青青玉一叢肯從桃李借薰醲不知香界

何從立憑仗清風問籀龍

鄺權 字元興安陽人有坡軒集

郊行

十里修篁翠拂天青田漠漠水濺濺高林忽斷
驚回首不覺竒峯隨眼前

史肅 字舜元京兆人有澹軒集

過九重山

斷蛇扛鼎兩爭雄陳迹荒涼萬事空今日山前
無過客數株衰柳管秋風

蕭貢 字真卿咸陽人

荒田擬樂天

荒田幾歲闕人耕欲種糜蕎趁晚晴急手剪除
荆與棘一科寸了十科生

龐鑄 字才卿號默翁

山行

四面雲山玉作圍一川霜樹錦為衣翩翩數騎

南岡下傳粉王孫射鹿歸

夏日

富國才疎合自羞清時無補但優遊只知錢向
紙中裏不信能教地下流

花下

香滿西園曉雨微萬紅千翠自高低若為常作
莊周夢飛向幽芳鬧處栖

墨竹 隔溪烟雨

一溪流水玉涓涓溪上修篁接暮煙誰倩能詩

文與可筆端移得小江天

又 秋風驟雨

瀟川急雨暗秋空無限琅玕澹墨中劍甲挺挺
軍十萬欲將貔虎戰斜風

又 春雷起蟄

千梢萬葉玉玲瓏枯槁叢邊綠轉濃待得春雷
驚蟄起此中應有葛陂龍

王良臣

字大用潞人承
安五年進士

狸奴畫軸

詩集

共

三生白老與烏員又現吳生小筆前乞與黃家
襪鼠禍莫教虛費買魚錢

雜詩

道人知我愛禪房淨埽階前紫石林軟飽三杯
風味好脫中和月卧昏黃

老子平生酷愛閑天教行處得禪關粥魚敲落
簷頭月猶在梅花醉夢間

李適

字平甫樂城人自號寄菴先生

昔年曾作送窮詩結柳齋糧擬退之送去還來

還復語君家猶有讀書兒

陳規

字正封稷山人

過驪山

豐鎬無由問故基三章止見黍離詩而今多少
華清石都與行人刺艷辭

馮延登

字子駿吉州人承安二年進士有橫溪集

元日隆安道中

山岡重複三竿日溪路縈迴一席天老境飄零
情更惡又從馬上得新年

八月十四日宿官塔下院

喬松脩竹翠交陰涼月玲瓏地布金老懶無詩
酬節物夜涼閑聽候蟲吟

洮石硯

鸚鵡洲前抱石歸琢來猶自帶清輝
芸窓盡日無人到坐看玄雲吐翠微

劉祖謙

字光甫安邑人

雅集圖

翠雀翩翩野鶴孤玉京人物會仙圖
後來且莫

輕題品席上揮毫有大蘇

崆峒山圖為橫溪翁

獨占名山每羨渠京塵今日汗吟鬚
西州十載經行處惆悵雲煙景畫圖

高憲

字仲常遼東人

元夕無燈

九陌無燈夜悄然小紅時見點春烟
多情惟有梅梢月柏酒樓頭照管絃

王特起

字正之代州崞縣人

絕句

山勢奔騰如逸馬水流委曲似驚蛇溪靈不欲
露天巧眼力未到雲先遮

偶作

人情爭勝似爭碁死怕輸人一著遲黑白不分
倚袖手年來吾亦愛吾痴

下第

人間萬事等樗蒲敢謂何人不得盧勝負到頭
俱偶爾狂夫安用繞牀呼

趙元

字宜之自號愚軒居士

送辛敬之東歸

風埃憔悴舊霜袍老去新詩價轉高橡栗漫山
猶可煮不須低首向兒曹

大暑

旱雲飛火燎長空白日渾如墮甑中不到廣寒
冰雪窟扇頭猶有幾多風

馮璧

字粹獻一字天粹崧山人

明皇擊梧桐圖

金詩佳編

七

三郎耳譜趨花奴風調寸情信有餘天寶錯來
非一拍霓裳中節亦區區

習池醉歸圖

襄漢方屯十萬兵習池日往不曾醒紛紛悞晉
皆渠輩何獨王家一寧馨

宋九嘉

字飛卿
夏津人

蓮社圖

野鷺家鷄俗好垂虎溪泉石滿塵埃壯哉砥柱
頽波裏惟有淵明挽不來

李獻能

字欽對
可中人

二老雪行圖

抱琴衝雪又衝風二老風流阿睹中未似却翁
眇抹眼火爐頭上話年豐

張建

字吉甫蒲城人
有蘭泉老人集

山邨風雨

雨昏山店望未見風緊傘簷張不開莫訝披圖
便成句為曾行到此中來

朱瀾

字巨觀洛
西三鄉人

詩生色

年

金言作編
黃筌雀蝶

飢雀喧爭，蛺蝶孤錦官城闕。見丘墟老筌妙意，誰知解丹粉圖中有諫書。

呂中孚

字信臣，冀州南宮人，不好科舉，以詩自娛，有清潭集。

雪

隨風拂拂玉花飄，入夜寒窓更寂寥。爐火已殘燈未盡，一簾疎竹自蕭蕭。

梨花

等待清明得得芳，圍枝晴雪暖生香。洗粧自有

風流態，却笑紅深睡海棠。

李端甫

字濟夫，同州人。

太白扇頭

巖冰澗雪謫仙才，碧海騎鯨望不回。今日霜紈見遺像，飄然疑自月中來。

楊庭秀

字德懋，華州人。

李簡之蓮池集句

一月衰顏幾笑開，生前相遇且銜杯。蓮塘十里花如錦，有底忙時不肯來。

孫鎮 字安常 緜州人

許氏雙桂堂

許家二桂聯翩秀，孫氏三枝次第春。盛事若將相比竝，輸君堂上拜雙親。

張著 字仲揚 永安人

九日

雨沐天容霽，欲流好山誇。翠出墻頭黃，花憔悴。東籬晚一段，陶家冷淡秋。

景覃 字伯仁 號渭濱 野叟 華陰人

感事

蘭芳切禁當門種，李苦何傷竝道生。自古英雄足猜忌，莫教身外有浮名。

段繼昌 字子新 號適安 居士 白水人

一溪

一溪流水走青蛇，春在江邊漁父家。竹外寒梅看欲盡，清香移入小桃花。

春早

魚兒水汎鴨頭綠，野馬塵飛羊角風。西嶮山家

籬落背杏梢初見一分紅

斷冰銷盡荻芽尖凍壠蘓來白
薺添幾片野雲飛不去晚風吹作雨
纖纖

讀紀信傳

鹿走中原兩虎爭滎陽圍解事堪驚
當時拔劍論功者矢口何人說紀生

劉鐸

字文仲冀州棗強人
有柳溪先生集

所見

綸竿老子綠蓑衣
細雨斜風一釣磯
正是隣家

社醅熟柳條穿得錦鱗歸

劉勳

字少宣初名訥字辨老雲中人

讀張仲揚詩曰題其上

布衣一日見明君
俄有詩名四海聞
楓落吳江真好句
不須多示鄭參軍

李澣

字公渡自号六峯居士

漫書

胸懷平日窗八達
伎倆只今龜六藏
唯有閑情如老菊
寒花自信晚來香

燈花梅影

丁_レ年_レ夜_レ坐_レ眼_レ如_レ魚_レ老_レ矣_レ而_レ今_レ不_レ讀_レ書_レ墻_レ角_レ短_レ檠_レ
還_レ有_レ用_レ瓦_レ瓶_レ相_レ對_レ一_レ枝_レ疎

秦畧

字簡夫陵川人
有西溪老人集

此身

此_レ身_レ日_レ日_レ一_レ簞_レ貧_レ裏_レ留_レ殘_レ自_レ在_レ身_レ獨_レ把_レ筇_レ枝_レ
行_レ又_レ立_レ東_レ風_レ花_レ柳_レ不_レ嗔_レ人_レ

麝香

山_レ麝_レ逃_レ風_レ遠_レ谷_レ收_レ一_レ山_レ行_レ過_レ四_レ山_レ香_レ臍_レ堂_レ自_レ養

千_レ鈞_レ弩_レ枉_レ怨_レ虞_レ人_レ鼻_レ孔_レ長_レ

馬天耒

字雲章
介休人

山中

青_レ林_レ寂_レ寂_レ鳥_レ關_レ關_レ畫_レ出_レ風_レ煙_レ落_レ照_レ間_レ脫_レ却_レ草_レ鞋_レ
臨_レ水_レ坐_レ野_レ雲_レ分_レ我_レ一_レ邊_レ閒

張本

字敏之
觀津人

九_レ日_レ月_レ中_レ對_レ菊_レ同_レ禧_レ伯_レ郎_レ賦

九_レ日_レ餘_レ香_レ伴_レ月_レ明_レ一_レ觴_レ亦_レ足_レ暢_レ幽_レ情_レ青_レ樓_レ夜_レ半_レ
琵琶_レ語_レ不_レ說_レ人_レ間_レ有_レ此_レ情

田藪芝

字德秀
滄州人

冥鴻亭下第後作

眼底功名一物無，飛揚跋扈竟何如。
青雲岐路多辛苦，賴得皇家結網疎。

郭邦彥

字平舛
鄆縣人

村行

棗花初落路塵香，燕掠麻池土頡頏。
一片雲陰遮十頃，賣瓜棚下午風涼。

豆葉芄芄麻葉光，植禾得雨又催黃。
田家樂事

誰真得牧子，行歌醉叟狂。

史學

字學優

李道人崧陽歸隱圖

石壁城頭夜斬關，軟紅塵底曉催班。
道人一笑那知許，門外清溪屋上山。

王元粹

字子正
平州人

醉後

雲自無依鶴自孤，此生誰信有窮途。
干戈二十年来客，留得殘骸倚酒壚。

東樓雨中

雨入溪樓不見山，雨晴依舊巖峯閑。
王維畫好在幽人，拍顧間。

杜佺 字真卿 武功人

馬嵬道中

垂柳陰陰水拍堤，春晴茅屋燕爭泥。
東風惡，狼藉殘紅送馬蹄。

王鬱 字飛伯大 興府人

飲密國公諸子家

宣公坊裏榆林巷，便是臨淄公子家。
豪貴少時容，詞客醉琵琶。

王競 字無競 安陽人

奉使江左讀同官蕭顯之西湖行記因題
其後

雲烟濃淡費臨摹，行記看來即畫圖。
吞八九筆頭滴水了，西湖

晁會 字公錫 高平人

杜鵑

杜宇啼聲枕上來一聲哀似一聲哀千哀萬怨
無今古換得行人若箇迴

魏道明

字元道号雷溪易縣人有鼎新詩話

退食

竿頭擯鼻清貧在夢裏槐安舊習空退食歸來
淡無事水邊長嘯看晴虹

雷思

字西仲渾源人

食松子

千巖玉立盡長松半夜珠璣落雪風休道東遊

無所得歲寒梁棟滿甬中

宋楫

字濟川長干人

還紫雲寺素扇且題詩其上

吳綾便面小團團失手拈來亦厚顏障盡驛塵
三十里却還明月紫雲間

路仲顯

字伯達冀州人

揚秘監釋迦出山像

自從此老出山隅惱亂蒼生底事無他日若逢
揚處士只教畫個涅槃圖

趙之傑

字伯共
大定人

題濟源龍潭寺

樹圍脩竹竹圍庵
庵下泓然碧一潭
極目荷花半秋色
小橫圖上看江南

趙鼎

字德新
欒城人

宿來同堡

渭北洮南過却春
窮邊冰雪更愁人
來同驛裏題詩處
破屋青燈一病身

趙文昌

字當時
陵川人

歌扇

媚娘巧作貫珠喉
畫扇團團半掩羞
唱到春山小擗處
一輪明月為花愁

張翰

字林卿
秀容人

奉使高麗過平州館

昨日龍泉已自奇
一峯寒翠壓檐低
兼并未似平州館
屋上層巒屋下溪

金郊驛

山館蕭然爾許清
二更枕簟覺秋生
西窓大好

吟詩處聽了松聲又雨聲

呂子羽 字唐卿 大興人

李白醉歸圖

春風醉袖玉山頽落魄長安酒肆迴忙殺中官
尋不得沈香亭北牡丹開

趙思文 字庭玉 永平人

侯相浪溪歲寒堂

靜中臺榭隔紅塵水色山光日日新不用浴溪
種松竹主人元是歲寒人

盧洵 字仁甫 高平人

招飲

南園僊杏猩紅破北渚官醪玉汗醇已約尊前
成二老全勝月下作三人

李過庭 字庭訓 武亭人

讀公孫弘傳

古來好客數平津我道真龍未必真一箇仲舒
容不得不知開閣為何人

田錫 字永錫 宛平人

牧牛圖

干戈擾擾徧中州，挽粟車行似水流。何日承平如畫裏，短蓑長笛一川秋。

李天翼 字輔之 固安人

還家

牡丹樹下影堂前，幾醉春風穀雨天。二十六年渾一夢，堂空樹老我華顛。殊音異服不相親，獨倚荒城淚滿襟。祇有青山淡相對，似憐我是此鄉人。

王世賞 字彥功 汴人

探梅

候得南枝破玉腮，心顏今日為君開。細看苔徑無行跡，先賞應輸我獨來。

靖天民 字達卿 滄陽人 自号南湖老人

西子放歌圖

鬢髮蕭颯葶蘿秋，千古香溪水自流。吳越兵爭竟何得，風流輸與五湖舟。

宗道 字雲叟 山陰人 以疾不仕

寶巖僧舍

寂寂鐘魚栢滿軒，午風輕颺煮茶烟。
西堂竟日無人到，只許山人借榻眠。

鮮于溥字彥仁

早發

燈前夢斷家千里，馬上詩成月一痕。
晨粥未烹官路遠，隔林烟火是漁村。

郝天挺字晉卿，陵川人

王題宣聖廟

金碧煌煌梵刹雄，玄元樓觀五雲中。
如何萬代綱常祖，釋奠今無數故宮。

辛愿字敬之，自号溪南詩老，又号女几野人

過崧山

催老年光袞袞來，好懷知欲向誰開。
箕山潁水春風裏，呼起巢由共一栢。

山園

歲暮山園懶再行，蘭衰菊悴頗關情。
青青多少無名草，爭向殘陽暖處生。

李汾字長源平晉人

清明

鳴珂振轂滿重城春日綿綿老燕鶯人在碧鷄坊外住澹隨流水過清明

元德明字秀容人自号東巖老有東巖集

寄宗人彦達

杯酒無緣接舊歡空將書尺問平安要君知我詩成處落日西風正倚闌

山園梨葉有青紅相半者戲作一詩

霜輕霜重偶然中一葉雖殊萬葉同不信世間閑草木解隨兒女作青紅

觀西崑張永淳畫雁

慘澹經營下筆難畫成不似卷中看知君連夜江湖夢折葦蕭蕭沙水寒

和籌堂途中即事

晚風吹雨過山堂燈火秋涼好對林却被荒雞笑人懶一聲催起著鞭忙

明皇擊梧圖

不使黎園弟子知太平音在鳳皇枝一朝野鹿
銜花去長恨秋風落葉時

阻風

東風作惡幾時休況值春光欲盡頭誰謂閑人
無箇事一年長是為花愁

漢高祖廟

垓下未聞歌散楚澤中已見哭亡秦乾坤到底
歸真主愁殺鴻門碎斗人

光武廟

海內英雄待一呼雲龍際會入東都羯奴不識
真人事微幸中原欲竝驅

關將軍廟

鼎足相吞勢未分誰能傾蓋得將軍曹吳不是
中原手天下英雄有使君

史遂良壽日

任他白髮不相饒兩頰春江醉裏潮今夜鳳皇
臺上月未知誰可共吹簫

煙山疊嶂圖

揮毫落紙起雲烟江北江南水墨天愛畫主人
胸次別卧遊不用買山錢

跋脊面弥勒

萬里千山特特來謾勞皮袋走塵埃橫擔拄杖
明州去世上誰能喚得回

題斷碑

節物催殘卧夕陽豈無神物護文章一從薦福
雷轟後片石猶爭日月光

古松

為嫌紅紫汙家風故向春來學種松祇恐等閒
兒女輩輒將斤斧損髯龍

戒酒

誰肯收心醉六經只言酒是在天星若能讀得
離騷後學取先生半日醒

畫鶴

自注云二頃田應為鶴謀

兩翅如輪骨已仙昂昂只合在林泉且休相逐
乘軒去自有人謀二頃田

張氏肯堂

張文定公後

百年蘭玉水邊邛萬軸牙籤席上珍同隊魚中見頭角一朝富貴異於人

野菊

風露叢中取次芳愁邊過却幾重陽秋光到處多無主不是閒花不肯香

元夜与奏禪洛陽觀燈

行歌聲裏落梅風爍爍華燈萬盞紅何似吾師方寸地一輪明月小叅中

陶淵明

迎門兒女笑牽衣回首人間萬事非自是田園有真樂督郵那解遣君歸

孟浩然

平生只有住山緣北闕歸來也自賢破帽塞驢風雪裏新詩句句總堪傳

李太白

謫在人間凡幾年詩中豪傑酒中仙不因采石江頭月那得騎鯨去上天

杜仁傑

字仲梁一字善夫濟南長清人

長門怨

天上神仙也，別離人間那。得鎮相隨，不須貴買。臨邛賦，只想君王未見時。

移刺霖 字仲澤 臨潼人

驪山有感

蒼苔迳滑明珠殿，落葉林荒羯鼓樓。渭水都來細如綫，若為流得許多愁。

張子權 字元興 臨漳人

遊黃華

溪流漱石振蒼崖，林樹號風吼怒雷。為謝山靈幸寬貰，漫郎投劾已歸來。

王仲立 字湯臣 号擬 桐奇嵐人

題龜鶴二大字上

天地之間一古儒，醉來不記醉中書。苟人錯比神仙字，只恐神仙字不如。

題裕之樂府後

常恨小山無後身，元郎樂府更清新。紅裙婢子那能曉，送与凌烟閣上人。

金言信錄

董文甫 字國華号無事道人

畫眠

莊周先我復天真化蝶飛來管領春我亦莊周周亦蝶不知若箇是真身

張宇 字彦升号石泉河汾人

和李濟夫韻

午夢遊仙鳥喚迴竹陰掃地淨無埃莫言嘉客閑中事時有清風自往來

閻述

解作時文一二篇胸中意氣已掀然何如剖破醞鷄甕看取人間大有天

房皞 字希白号白雲子河汾人

自遣

幾見秋風幾見春一愁未已一愁新聞中點檢平生事唯有清貧不負人
甕面浮香處處春任他時事百端新自知野鹿山麋相本是麒麟閣上人

題張濟之滕覽軒

金詩佳色

四

誰言山色可忘憂誰道澄江銷客愁試倚闌干
西北望浮雲依舊暗神州

讀杜詩

後學為詩務門奇詩家奇疾最難醫欲知子美
高人處只把尋常話做詩
穹礴冥搜枉費功天然一語自然工況兼詩是
窮人物好句多生感慨中

春日觀菜

手種蕪菁欲療饑春來頗怪發生遲東風貪長

新桃李未有功夫到菜葵

段克己

字復之号遯菴河東人

暮春有感

忙携歌酒趁清歡桃李都能幾日看欲識詩人
愁絕處落花時節一凭闌
春到蕪菁事已非杜鵑看又喚春歸幽香一點
無尋處燕蹴飛紅染客衣
及時行樂不應遲管領風光更有誰花落花開
春又去都能消得幾篇詩

金言仁結

丁未三月二十八日縣大夫薛君寶臣過
余芹溪精舍酒間雨作時方苦旱喜而賦

之

麦田日日起黃埃官長憂民意不開底是山靈
相嫵媚故驅風雨過江來

海棠風

玉妃酒暈透香肌滿頰嬌紅睡起時小立沈香
亭子外釵橫亂鬢任風吹

楊柳烟

舞罷霓裳醉似泥六宮誰敢鬥腰肢侍兒扶立
嬌無力雲母屏深午醒遲

梅花月

蓬島春寒減玉肌却憑羽客寄相思倚欄私語
長生殿惟有當時好月知

楊生彥衡袖初夏三數詩過余徵和雖勉
強應命格韻枯槁深愧見知

枝頭梅子半傳黃門巷陰陰午景長為語兒童
休報事乃翁方且作詩忙

刁騷短髮半垂黃，深覺閑中意味長。
買得溪山猶是錯，往來杖履却成忙。
奏賦當年對赫黃，漁樵今日語偏長。
青山綠水無窮意，始信人間空自忙。
老來閉口罷雌黃，書卷慵拈白日長。
門掩東風無過客，不知人世有閒忙。

送憑資深歸西山

人間蠻觸日干戈，暮四朝三都幾何。
此去莫憂併粟罄，西山雨足蕨薇多。

蕭蕭華髮老書生，久欲歸田計未成。
喜聽日邊消息好，故山容得子真耕。

蟾蜍詎可逐飛黃，雲海茫茫去路長。
世外仙方無分得，漫勞心力一生成。

段成己

字誠之，号菊軒，克己仲弟。

乘興杖屨山麓，值梅始華，徘徊久之，因折
數枝，置几側，燈下漫浪成語，簡諸友一笑。

云

戲蝶遊蜂總未知，小窓低亞兩三枝。
夜闌燈下

橫疎影，渾似西湖月上時。
幽香不許俗人知，纔是東風第一枝。誤認文君
新睡起，讀書窓下立移時。
漏洩春光人未知，輕香已透最高枝。洗妝自有
天然態，儘道冰容不入時。

山茶雪

飄飄天上謫仙人，嘗作金鑿侍從臣。老大風流
殊未減，錦袍如舊白頭新。

幽居奉籍，遜菴尊兄嚴韻呈隱之潤之二

英弟一祭

浮榮過眼等浮埃，罇酒相逢一笑開。門外紅塵
高萬丈，莫教一點鬢邊來。
小軒如斗靜無埃，面向青山好處開。謾道幽人
招不得，一罇今日為君來。

張信夫夢菴四首并序

子張子寓跡於里西之精舍，以夢名其
室，且命余訂之。夫人之方夢也，念念相
因，萬境現前一得，其意則揚眉軒目，傲

然以為樂一失其意則喪神沮氣憔悴
以為憂昏昏沒沒冥行於夢境之中不
知夢之為夢也惟其不知也故為憂樂
之所汨及渙然而覺始知向之汨吾心
者之虛妄也世之人貪得而患失廢精
神耗思慮終日弊弊焉顛倒錯亂於憂
樂之域而不自覺悟者庸非夢耶蓋寐
者歛睫之夢也寤者瞠目之夢也是以
達人大觀寐寤兩忘雖視其身猶以為

夢幻況區區之物為足累其心哉始作
是詩而為之獻亦以自釋焉

憶昔邯鄲道上行半生回首夢初驚而今始覺
非真實過眼浮雲萬事輕

覺時常笑夢時訛夢覺其間爭幾何聊爾藏身
大槐國閒看明月上南柯

一身栩栩復蘧蘧為蝶為周我自如寤寐人間
等遊戲此心無地不華胥

世味迷人不知紛紛蕉鹿競爭為山翁正坐

山堂上笑問黃梁第幾秋

元好問

字祐之号遺山先生太原秀容人七歲能詩有神童之目

雜著

鳧短何如鶴有餘非魚誰謂子知魚一枝莫作鷓鴣看水擊三千不羨渠

昨日東周今日秦咸陽烟火洛陽塵百年蟻穴蜂衙裏笑煞崑崙頂上人半紙虛名百戰身轉頭高塚卧麒麟山間曾見漁樵說辛苦凌烟閣上人

秋江待渡

筆頭雲景性中天誰似仙舟有靜緣只合此間添此老脫巾和月弄江煙

感興

好句端如綠綺琴靜中窺見故人心陽春不比黃華曲未要千人作賞音

題鷺鷥敗荷扇頭

荷經凍雨綠全枯葦到窮秋影亦疎為問風標兩公子此中能有幾多魚

蒼崖遠渚圖

深谷高林自一天紅塵無路近風烟兩椽茅屋
平生了况是清溪有釣船
竹帛功名一筆無殘年那復計榮枯青山未得
携家去惆悵題詩是畫圖

金詩佳絕

秋巖菽原暈校字

雲山先生著書

墨林奇標

宋詩佳絕

俗字箋

金詩佳絕

雲山堂詩話

明詩佳絕

臨池新表

清詩佳絕

日本橋通一丁目

須原屋茂兵衛

江戸書林

同

通二丁目

山城屋佐兵衛

